



UNIVERSITÄTS-
BIBLIOTHEK
PADERBORN

Universitätsbibliothek Paderborn

Œcumenica Cathedræ Apostolicæ Avthoritas

Reding, Augustin

[Ort nicht ermittelt], Anno M.DC.LXXXIX.

§. I.

urn:nbn:de:hbz:466:1-38717

DISQUISITIO IV.

Quousque, salvis concordatis inter Leonem X. & Franciscum I. Galliarum Regem initus, extensi possit Papa iurisdictio in ordine ad forum contentiosum Ecclesiasticum?

§. I.

Author tractatus de libertatibus Ecclesie Gallicanæ lib. 6. cap. 5. tradit, a tempore præinsinuatorum Concordatorum emeritis sequentes difficultates, quarum prima est; Vtrum Papa possit aliquius negotij judicium ad se immediate trahere? Secunda; An possit aliquando negotia judicare? Tertia; An formulis ordinis iudicarij se accommodare tenetur? Prima igitur controversia frequenter occurrit de causis majoribus: quarum momenta, advertente Authori præfato n. 2. expenduntur ex quadruplici capite. Primo ex rei magnitudine, ut v. g. quando spectant ad fidem, ad Religionem, vel ad præcepta generalia morum, & disciplinae, ut habetur *Can. Præceptis d. s. 12. Cap. Majores. De Baptismo. & alibi.* Secundo causa maiores dicuntur ex magnitudine difficultatis circa illas natæ. Interduum enim quasi synonyma ponuntur, majores & difficiliores quæstiones; & ab hoc maxime capite Galli, saltem si Ioanni Gerbalio creditus, causarum magnitudinem metuntur. Sic enim habet Doctor ille *Dissert. de causis majoribus art. i. num. 10.* Galli nostri diversam aliquatenus majorum causarum idem tradidere; neque enim causa majorum apud eos statim dicta sunt, que de rebus majoribus ac præstantioribus essent, sed quæ plus obscuritas haberent ac difficultatis: quare tum tandem Apostolicam Sedem adeundam, ejusque consulenda oracula existimârunt, cum aliunde lex non assulgeret, ratione que vulgo usurpatæ minimè sufficerent. Exploratum illud sit, &c. Tertiò vocantur causa maiores ratione dignitatis personæ, v. g. cum de Episcopale agitur, ut patet ex cap. *Inter corporalia. De translatione Episcopi;* & ex Doctoribus in illud cap. Denique maiores dicuntur ob difficultatem exequendæ rei justæ, aut amoliendi rei injustæ. Sic anno 816. Ecclesia Rhemensis in Concilio Pontigonensi, cui Apostolica Sedis intererant Legati, majora negotia, & maiores causas appellabat eas injuriæ, quas à Ludovico Germano Rege perpessa fuerat, & timebat, ne in posterum pateteret: Paternis magistris instruimus, ut, si quæ majora negotia, vel maiores causæ exortæ fuerint, ad sanctam Apostolicam, prout authoritas docet, & mos antiquus obtinuit, semper referantur. Quæ sint autem illa negotia, deinde notatur; Calamitates, & miseriae Ecclesie nostræ, ac civium nostrorum, quas hoc anno a Ludovico Rege, itemque à Ludovico filio ejus, & complicibus eorum, cædes videlicet, & homicidia, adulteria, fornicationes, rapinas, sacrilegia, & cetera flagitia, quæ nullus enumerare potest, Ecclesia nostra perpessa est.

Denique postulatur auxilium; Ne de cetero talia, ac tanta mala Ecclesia nostra, ac Regnum patiatur, qualia hactenus passum est. Sed hac poltremeta duo cauarum genera majora non extimantur, nisi cum aliquæ rei magnitudine conjuncta, v. g. nisi agatur de deponendo episcopo, vel alio gravissimo negotio.

Dehinc igitur cauarum generibus prima procedit prælensis disquisitionis difficultas, quam una cum ceteris difficultatibus hic occurrentibus ex preciatis Authoris verbis expediemus, quia ex una parte, ut integrum redideretur hoc opus nostrum, urgembamur ad materiam illam, utpote Ecclesia Gallicane libertates attingere vilam, haud præmitendam; ex altera vero parte lubenter profremur nostram imperitiam in hinc rebus, quæ Gallie Regno sunt peculiares.

§. II.

An prima præinsinuati Gallici Regni causarum cognitio ad sanctam Sedem, an ad Concilium Provinciale spectet?

Pergit igitur præfatus Author à n. 3. hunc in modum distinere. Hac in re licet Episcopale judicium præmittendum, idque ex antiquis iuribus colligi, aliqui leniter, certum est, Concordata, cum causas maiores ibi excepterunt, quæ deberent ab Ordinariis definiti, primum earum judicium Summo Pontifici relinquisse. Cum enim contentiones circa jurisdictionem dirimere voluerint, hanc questionem, quæ maximæ erat momenti, & à qua plurimæ, gravissimæ que dilectiones oriri poterant, non reliquerunt indecitam: alioquin enim illi determinanda illi perfectedam partes judicialiter, de illa omnino siluerint. Cum autem mentio facta est quæ cur in aliud tempus definitanda dilata fuisse, cum periculo, ne interim novarum discordiarum esset fomes, ac sine spe novorum ad eam in posterum commodiis definiriādūt adponentorū. Perspicua videtur Concordato sententia his verbis comprehensiva, ut de causa. Omnes & singula cause, exceptis majoribus in iure expresse denominatis, apud illos iudicari in partibus, qui de jure, aut consuetudine prescripiuntur, vel privilegio illarum cognitionem habent, terminari, ac finiri debant. Quod idem in Concilio Basileensi, & Pragmatica functione statutum fuerat.

Accedit, quodd tempore præcedenti, ac consequenti Concordata, Gallis per iurum erat, causas maiores in prima instanza esse ad sanctam Sedem referendas, quia hac erat Juris Communis dispositio, & Canonici iuri Interpretum sententia, etiam apud Gallos. Guilielmus Durandus Episcopus Mimatensis in speculo Iuris partie. i. tit. de legato. §. Non ostendendum. num. 1. Maiores causa, inquit, ad sanctam Apostolicam sunt referenda, in extr. de cap. Majores. extr. de trans. c. i. ii. q. 6. omnes oppressus, & citatus super istis coram Ordinario protestat etiam absque aliquo gravamine illat, vel com-

minato